



K32/27

5 Ka yona na o ye mabele a mang a tho ang go wiswa ke phefo, basadi ba thoma go bopela le go kita segotlo masimong. Segotlo sa ko masimong sona ga nke se irelwa letsema e bakgwata ya mosadi a le nosi fela. Janong e tlare segotlo se fedile mosadi a /tlisa lwala a nna a gotlha gotlha mabetsana a a ntseng a wiswa kephefo, janong a sila mosokwanaba thoma go loma bele le lefsa. Fa mosadi a kgoboketse mabele a bonala mo seralaneng o tla tabola a mang a tsaya mootlwane a thoma go setla ka koa a bedisa ting. Ga Mfatlha ting ene e sa itsiwe ke mosadi ba thomile ting ya mabele mo Tsiditsane ba sa na go e bona e apawa ke Bakgatla ba ga Mosetlha, bogobe ba bona ene ele mosoko fela. Janong e tlare go sa ntsanego jewa mabetsana a go wa morotse a nama a butswa, ba thoma go ja bogobe ba lerotse bo bo sa tshwenyeng le fa bo sena sesabo.

6 Ka nako ya go ja marotse basadi ba kgetla morōgō ya monawa ba apeye ka dipitsa go kokotletsa. Janong etlare ba ba neng ba sa ka ba byala dinawa ba di ka ba ntse ba o reka ka ditlatla na goba ba ng naō. Le maphutse le wona basadi ba kga morōgō wa ōna ba o apeye ka pitsa tse kgolo o fufule fela e seng go butswiswa thata. Janong ba o inole ba anege momagong gore o ome pila, fa o sa na go oma o lokwa ka difala le diphafa, janong tsatsi le go se nang sesabo mosadi o tla nna a tabola fela a loka ka pitsaneng a tlhatlega ka metsana, fa a rata go kgala a tshela / mafsana go se nnye, janong a loke letswai e name e nne morōgō o monate. Morogo wa monawa o phala wa maphutse ka monate, fela o wo phalang morogo yo yotlhe ka monate ke wa lerotho, wona o ira sesabo se tshwanang le seswaa. Fa mosadi a sa ntse a kgetla morōgō monna o tla epela serala sesegolo sa mabele le sa lēbēlēbēlē. Monna o se diketsa ka letlhaka le le setseng le seilwe a se balele ka dithupa le mudi. Fa a fetsa go aga serala janong mosadi le monna ba tla thoma go sega mabēlē a pele kapa lēbēlēbēlē la pele, mme ba nna ba thothēla seraleng sa segolo. E tlare fa ba / bona gore la kgobo-kgoboketse mosadi a fola-fola mabetsana a inēla a irela monna bojala ba maatla a banna. Fa mabele kapa lēbēlēbēlē le fedile go segwa mosadi o tla thoma go sela dinawa a ntse a di fola ka mootlwane, kagore ~~ka~~ dinawa di folwa jaka mabele di be di oloswe ka tlatla fa phefong e fokang. Fa dinawa tsa motho ele tse

S 617

K32/27

9 ntsi o tla ba a ira molaletsa wa bojalwa gore batho ba mo thuse ka bonakō. Dinawa fa di fedile go topywa mos di o tla thoma go kumulela ditloo a di baya ka mebitibiti gore di gamolwe ke phefo. E tlare fale di omile a ira tsema la bogobe la basadi kapa/bana ba tla ba mokgothisa tsona ka mekotleng. Fa di sa na go tsena ka mekotleng, di tla thothelwa gae ka diselei, tsa fitlha tse tshollwa ka digotlong tsa malapa gore di ome. Go tloga fa janong mosadi le moma ba tla thusanya go fola mabele, mosadi a ntse a a feela a a olosa,q, a thothela ka setshiong. Mabêlê le lona lêbêlêbêlê di folwa ka go tshwana ka mootlwane. Fa go feditswe go fola mabele a a raleng tsa masimo dikgomo dipudi le dinku di neslwa go ja matlhaka. Janong basadi ba boela gae go thongwe go setla ditloo ka magudung kapa ka dikaong. Ke tiro ya basadi go fola ditloo jaana fela.

END S. 617.